



1. december 2008

Inatsisartut Forretningsorden-iani § 36 imm. 1 tunngavigalugu Naalakkersuisunut apeqquteqaatit makkua apeqquteqaatiginiarpakka:

Kommuneqarfik Upernavimmi aamma Uummannaq Kommunemi qernertanik taamatullu qaqortanik qilalugartassanik amerliliisimanermut tunngatillugu Naalakkersuisunut apeqquteqaat

(Inatsisartunut ilaasortaq, Jens B. Frederiksen, Demokraatit)

Naalakkersuisut 28. november 2008 aalajangerput kingumut ukiumut qernertanik qilalugartassanik akuersissuteqarfiusumut 1. juli 2008-miit 30. juni 2009-imut Kommuneqarfik Upernavimmut taamatullu Uummannaq Kommunemut qernertanik qilalugartassaannik 90-inik qaffaasoqassa-soq.

Qilalukkat qernertat 40-t Uummannaq Kommunemut akuersissutigineqarput, taamalillunilu Uummannaq Kommune katiillugit 119-inik qernertanik qilalugartassaqaalerpoq kiisalu Kommuneqarfik Upermavimmut qilalukkat qernertat 50-t immikkut ittumik akuersissutigeqqinneqarput, taamaalilluni Kommuneqarfik Upernavimmi qernertartassat katillugit 120-ngorput.

Tamakkua saniatigut Naalakkersuisut qaqortanik qilalugartassat immikkut ittumik qafaavigaat, tassa Uummannaq Kommune immikkut ittumik 10-nik qaqortanik qilalugartassinneqarpoq, taamaalilluni katillugit 20-nik qaqortanik qilalugartassaqaalerpoq.

Naalakkersuisut aalajangernerminnut tunngavilersuutigaaat Aalisarnermut. Piniarnermut Nunalerinermullu Pisortaqarfiup Kommuneqarfik Upernavimmiit taamatullu Uummannaq Kommunemut qilalukkanik qernertanik taamatullu qilalukkanik qaqortanik immikkut ittumik pisassinneqarnissamut qinnuteqaatinik tigusaqarsimaneq.

Qulaani eqqartorneqartut tunuliaqutaralugit apeqquteqaatit makkua akissuteqarfineqarnissaat kissaatigaara:

1. Naalakkersuisut qinnuvigineqassapput immikkut ittumik pisassanik akuersissuteqarnerminnut tunngavilersuuteqarnerit itisileqqullugu. Minnerpaamik piunasaqaatigissavara kommunit taakkua marluusut immikkut ittumik amerlanerusunik pisassinneqarnissaminnut qinnuteqarneranni sorpianik tunngavilersuuteqarsimaneq.
2. Immikkut ittumik pisassinneqarnissamik qinnuteqaatit Naalakkersuisut aalajangiiffiginis-saat sioqqullugu Pinngortitaleriffik tusarniaavigisimanerlugu?
3. Immikkut ittumik pisassanik qafaanissaq manna tikillugu Pinngortitaleriffimmiit inner-suutigineqareersimasut tunngavigalugit akuersissuteqarsimaneq ingerlanneqarsimanerluni?

Apeqquteqaatit ullut qulit qaangiutsinnagit akissuteqarfineqarnissaat kissaatigaara.